

ÁKVÖRÐUN FRAMKVÆMDASTJÓRNARINNAR

2015/EES/16/25

frá 21. maí 2003

um að tilnefna skráningarstofu fyrir .eu höfuðléníð

(tilkynnt með númeri C(2003) 1624)

(2003/375/EB) (*)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 733/2002 frá 22. apríl 2002 um að taka í notkun ⁽¹⁾, einkum a-, b- og c-lið 1. mgr. 3. gr.,

og að teknu tilliti til eftirfarandi:

- 1) Samkvæmt b-lið 1. mgr. 3. gr. í reglugerð (EB) nr. 733/2002 (hér á eftir nefnd reglugerðin) er þess krafist að framkvæmdastjórnin tilnefni skráningarstofuna sem ætti að fela skipulag, stjórnun og stjórnsýslu á .eu höfuðléninu, eftir birtingu á auglýsingu eftir áhugasömum aðilum í Stjórnartíðindum Evrópusambandsins.
- 2) Framkvæmdastjórnin birti auglýsingu eftir áhugasömum aðilum (2002/C 208/08) í *Stjórnartíðindum Evrópubandalaganna* 3. september 2002 og hvatti til umsókna frá stofnunum sem óskuðu eftir því að verða valin sem skráningarstofa sem falið er skipulag, stjórnun og stjórnsýsla á .eu höfuðléninu.
- 3) Fresturinn sem tilgreindur var í auglýsingunni var til 25. október 2002.
- 4) Mat á umsóknunum sem byggðist á þeim hæfisviðmiðunum og valviðmiðunum sem kveðið var á um í auglýsinginni eftir áhugasömum aðilum fór fram með aðstoð óháðra, sérfróðra matsaðila.
- 5) Matsaðilarnir skoðuðu umsóknirnar og gerðu forgangsskrá þar sem þeir röðuðu umsóknunum eftir heildargæðum þeirra með tilliti til valviðmiðananna. Umsóknin sem er efst í forgangsskránni er Evrópsk skráningarstofa Netléna (e. European Registry for Internet Domains (EURID)), önnur er Evrópsk skráningarstofa fyrir lén (e. European Domain Registry Asbl (EUDR)) og þriðja er EUREG skráningarstofan. Framkvæmdastjórnin hefur skoðað niðurstöðurnar sem matsaðilarnir komust að og á grundvelli þeirra samþykkt forgangsskrána.
- 6) Eins og kveðið er á um í c-lið 1. mgr. 3. gr. reglugerðarinnar ætti framkvæmdastjórnin að gera samning við tilnefndu skráningarstofuna, sem tilgreinir skilyrðin sem framkvæmdastjórnin fer eftir við eftirlit með skipulagi, stjórnun og stjórnsýslu skráningarstofunnar á .eu höfuðléninu.

- 7) Drög að sérleyfissamningi um þjónustu sem átti að gera milli framkvæmdastjórnarinnar og skráningarstofunnar fyrir höfuðléníð var samþykktur með ákvörðun framkvæmdastjórnarinnar C(2002) 3161 frá 28 ágúst 2002 og birtur í auglýsingunni eftir áhugasömum aðilum. Ef skilyrðið sem sett er fram í tilnefningu skráningarstofunnar er ekki uppfyllt eða ef samningaviðræðum við stofnunina sem tilnefnd er sem skráningarstofa lýkur áður en skrifað er undir samningannað hvort vegna þess að stofnunin hættir við eða ef ekki er mögulegt að álit framkvæmdastjórnarinnar að gera viðeigandi samning áskilur framkvæmdastjórnin sér rétt til að hefja viðræður við annan umsækjanda sem hefur lagt fram hæfa umsókn og uppfyllt valmiðanirnar.

- 8) Í samræmi við 2. mgr. 6. gr. reglugerðarinnar leitaði framkvæmdastjórnin eftir álit fjarskiptanefndarinnar sem komið var á fót með 1. mgr. 22. gr. í tilskipun Evrópuþingsins og ráðsins frá 7. mars 2002 um sameiginlegan regluramma um rafræn fjarskiptanet og -þjónustu (rammatilskipun) ⁽²⁾. Álit nefndarinnar um tilnefningu skráningarstofunnar sem fela á skipulag, stjórnun og stjórnsýslu á .eu höfuðléninu var skilað 10. apríl 2003,

SAMÞYKKT ÁKVÖRÐUN ÞESSA:

1. gr.

Evrópsk skráningarstofa Netléna (e. European Registry for Internet Domains (EURID)) er tilnefnd sem skráningarstofa fyrir .eu höfuðléníð sem falið er skipulag, stjórnun og stjórnsýsla á .eu höfuðléninu.

2. gr.

Tilnefningin er háð því að meðlimir samtakanna um Evrópska skráningarstofu Netléna (e. European Registry for Internet Domains (EURID)) sendi innan þriggja mánaða frá gildistöku þessarar ákvörðunar sönnun þess að lokið hafi verið við að koma á fót stofnun sem er ekki rekin í hagnaðarskygni í samræmi við umsókn EURID-samtakanna.

(*) Þessi ESB-gerð birtist í Stjtið. ESB L 128, 24.5.2003, bls. 29. Hennar var getið í ákvörðun sameiginlegu EES-nefndarinnar nr. 85/2013 frá 3. maí 2013 um breytingu á XI. viðauka (Rafræn fjarskipti, hljóð- og myndmiðlun og upplýsingasamfélagið) við EES-samninginn, sjá *EES-viðbætur við Stjórnartíðindi Evrópusambandsins* nr. 61, 31.10.2013, bls. 56.

⁽¹⁾ Stjtið. EB L 113, 30.4.2002, bls. 1.

⁽²⁾ Stjtið. EB L 108, 24.4.2002, bls. 33.

3. gr.

Ákvörðun þessari er beint til meðlima samtakanna um Evrópska skráningarstofu Netléna (EURID-samtakanna), þ.e.:

- DNS Belgium vzw/asbl
Koning Leopold I straat 1 bus 2
B-3000 Leuven
- Istituto di Informatica e Telematica
Consiglio Nazionale delle Ricerche
Area della Ricerca di Pisa
Via Giuseppe Moruzzi 1
I-56124 Pisa

- Network Information Centre Sweden AB (NIC SE).
Schlstedtgatan 7
SE-115 28 Stockholm.

Gjört í Brussel 21. maí 2003.

Fyrir hönd framkvæmdastjórnarinnar

Erkki LIIKANEN

framkvæmdastjóri.
